



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Eidem.

**urn:nbn:de:hbz:466:1-20020**

amovebantur ad ejus arbitrium quando circa custodiam delinquebant, & quod ad Abbatis & partiatum instantiam eam bannierant Ravennates, & qui venabantur in ipsa reddebat eidem annis singulis spallam porci, & cultores agrorum decimas, & gregum pastores certos redditus exolvebant. Addebat etiam pars communis quod cum partes intentionem suam sufficienter utrinque fundassent, utramque poteramus immo debebamus in sua de jure possessione tueri, cum tantam rem diversi possent quoad diversos usus & varios possidere. Nos igitur attestacionibus diligenter inspectis, intelleximus quod monasterium per testes plures numero & aptiora negotio & vero proximiora in suis depositionibus exprimentes possessionem pinetae respectu præteriti temporis & præsentis evidenter & generalius ostendebat, & cum per privilegia tam Archiepiscoporum Ravennatis Ecclesie quam Pontificum Romanorum ipsam ad se pertinere monstraret, illud iuste possedit contabat, & commune, quod nullum sit possessionis ostendebat titulum, aliqua in eadem contra justitiam per impressionem vel potentiam usurpassé, cum eadem rem non possint diversi eodem modo in solidum possidere. Vnde cum probationes monasterij existerent potiores, & sic per consequentiam ipsum esse in interdicto superioris, Yconomum communis Ravenna Yconomy monasterij super eadem pineta, quantum ad possessorum, decrevimus condendum, & imponendum perpetuum silentium Yconomy Ravennati, & prohibendum eidem ne monasterium si pedicatum super ea præsumat ulterius molestare. Iterum cum vargum Bardareni ad monasterium pertinere testes utriusque partis ostendant, super eo Yconomum monasterij ab impetione Yconomy Ravennatis statuimus absolvendum. Et cum per testes sit sufficienter ostensum quod super fale sufficienter satisfactum fuit monasterio quo preium quo solutionis tempore vendebatur, nec viros religiosos deceat inhibere lucris secularibus & cum alterius jactura ditari, Yconomy monasterij super hoc silentium decrevimus imponendum. Nulli ergo &c. hanc paginam nostræ diffinitionis infringere vel ei &c. Si quis autem hoc intentare præsumperit &c. usque incursum. Datum Laterani Nonis Iulij, pontificatus nostri anno tertio decimo.

\* In Bullario  
Gesu. tandem

## EPISCOPO CARDICENSE.

**I** Vitis petentium desiderii dignum est nos facilem præbere consensum, & vota quæ à rationis tramite non discordant effectu persequente complere. Eapropter, venerabilis in Christo frater, tuus justis precibus grato concurrentes assensu, personam & Ecclesiam tuam, cum omnibus bonis qua in præsentiarum rationabiliter possidet, aut in futurum justis modis præstante Domino poterit adipisci, sub beati Petri & nostra protectione suscipimus & præsentis scripti patrocinio communimus. Nulli ergo &c. hanc paginam nostra protectionis infringere vel ei &c. usque incursum. Datum Laterani 111. Nonas Iulij, anno tertio decimo.

## ILLVSTRI CONSTANTINOPOLITANO Imperatori.

**G**RAVEM venerabilem fratrum nostrorum Archiepiscoporum & dilectorum filiorum aliorum Prælatorum imperij tui recipimus questionem quod tu & Barones tui in eorum inhibuisti gravissimum detrimentum ne quis de possessionibus suis in vita sua conferat, vel in extremo articulo condat Ecclesiis testamentum. Cum igitur ex inhibitione hujusmodi & Ecclesiarum dispendium & inhibitum interitus procuretur, excellentiā tuam memorem attentiū &hortam quatinus hujusmodi pravam inhibitionem & tu ipse relaxes & à tuis Baronibus facias potestate tibi tradita relaxari. Datum Laterani vi. Idus Iulij, anno tertio decimo.

## E D E M.

**S**IGNIFICANTIBUS venerabilibus fratribus nostris Archiepiscopis & Episcopis ac Prælati aliis Constantinopolitanis imperij nos accepisse cognoscas quod cum Baronies, Milites, & alijs nobiles Romaniae monasteria, possessiones, homines, decimas tam Græcorum quam Latinorum, & alia bona Ecclesiarum suarum contra justitiam detinerent, eos per venerabiles fratres nostros Larissenum Archiepiscopum & Davalensem Episcopum ad restitutionem integrum detentorum censura mandavimus ecclesiastica coercendos. Qui licet propter expeditionem ad quam properabant proponerent quod tunc non poterant quod injungebatur implere, quidam tamen in judicium & Prælatorum manibus resignarunt, promittentes firmiter quod residua in integrum post redditum restitu-

rent & ab eis ad quos pertinent pacifice possideri permetterent restituta, quod non obliterarunt postmodum redeentes; immo detinentes prædicta omnia sicut prius, ea restituere contradicunt. Vnde nos venerabilibus fratribus nostris Thebanis & Neopatrensi Archiepiscopis deditimus nostris litteris in mandatis ut detentores eosdem ad restitutionem integrum detentorum cum satisfactione perceptorum fructuum competenti monitione præmissa per censuram ecclesiasticam, sicut justum fuerit, appellatione remota compellant. Quocirca excellentiam tuam monemus attentionis & hortamur quatinus detentores prædictos ad hoc tradita tibi potestate compellas. Datum ut in alia per totum.

In eandem serè modum scriptum est ipsius super hoc usque restituere contradicunt. Ideoque discretioni vestrae per apostolica scripta mandamus quatinus detentores eosdem ad restitutionem integrum detentorum cum satisfactione perceptorum fructuum competenti monitione præmissa per censuram ecclesiasticam appellatione remota, sicut justum fuerit, compellatis. Testes autem &c. usque prohibere. Nullis litteris veritati & iustitiae præjudicantibus &c. Quod si non omnes &c. duo vestrum ea &c. Datum Laterani vi. Idus Iulij, anno tertio decimo.

## E I D E M.

**A**d ecclesiastica bona manus extenderem non deberes, cum Ecclesia spousus Christus amplaverit tibi manus, nec gravare debes Ecclesias, quarum credis ministrorum precibus flecti Christum, ut te ab hostium gravaminibus tueatur. Inde est quod imperiale celstitudinem rogandam duximus & monendam quatinus restituens Ecclesia Larissenæ si qua de ipsis bonus detines minus justè, permittas venerabilem fratrem nostrum Larissenum Archiepiscopum & suffraganeos ejus Ecclesias, abbatias, Clericos, & possessiones, decimas, & alia jura quæ ad Ecclesias pertinent eorundem, pacifice possidere. Datum Laterani Nonis Iulij, anno tertio decimo.

ARCHIEPISCOPO NEOPATRENSI,  
& Priori sancti Demetrij Thessalonicensi,  
& Procuratori episcopatus Dimicensi.

In margine istius epistole scriptum erat antiquitus:  
VACAT. Quo vocabulo offenditur illam hoc loco esse inutiliter & alibi melius habeti, nimurum infra numerum cxxii.

**L**Acrymabilem venerabilis fratris nostri Cardicensis Episcopi recepimus questionem quod cum obtentas à nobis litteras, rediens post labores, captiones,